

Bosna i Hercegovina
Federacija Bosne i Hercegovine
Zeničko-dobojski kanton
OPĆINA VAREŠ
OPĆINSKO VIJEĆE



Broj: 01-59/25
Vareš, 28.02. 2025. godine

Z A P I S N I K
*sa 3. sjednice Općinskog vijeća Vareš,
održane 29.01. 2025. godine*

Predsjedavajući OV pozdravio je sve prisutne.

Prisutni vijećnici: Amela Mešić, Asim Balta, Asmir Čizmo, Dario Dodik, Denis Kovačević, Dževad Mahmutović, Edin Ibrišimović, Igor Hinger, Igor Šimić, Irma Rožajac, Malik Rizvanović, Nazif Hajrić, Nermin Hrvat, Nikola Šimić, Semir Memić, Srđan Franjić, Šaban Ibrišimović, Zdenko Franjić i Zdravko Barkić.

Odsutni: Nema.

Malik Rizvanović – predsjedavajući Općinskog vijeća Vareš konstatira da Vijeće može raditi jer ima kvorum za rad sjednice.

Predsjedavajući OV otvorio je 3. sjednicu s početkom u 14.00 sati, u velikoj sali Općine Vareš.

Pored vijećnika sjednici prisustvuju: Općinski načelnik - Zdravko Marošević, sekretar OV - Mersad Đido, pomoćnici načelnika - Ermin Musa i Ibrahim Spahić, rukovodilac JURA - Rusmir Berberović i predstavnici medija.

Sekretar OV Mersad Đido izvijestio je prisutne da je na 2. sjednici OV održanoj 30.12. 2024. godine, Vijeće donijelo tri (3) zaključka. Jedan (1) zaključak je realizovan, a dva (2) zaključka su u toku realizacije. Postavljeno je šest (6) vijećničkih pitanja. Na četiri (4) pitanja dat je odgovor pisanim putem, na jedno (1) pitanje nije dat odgovor, jedno (1) pitanje je proslijeđeno nadležnom preduzeću na koje se čeka odgovor.

Općinski načelnik Zdravko Marošević pod aktuelnim pitanjima nije imao obraćanje.

(Izjašnjavanje vijećnika o dobivenom odgovoru)

Vijećnik Igor Hinger podsjetio je na svoje pitanje sa prošle sjednice u vezi pomoći starijim građanima oko cijepanja i slaganja drva kao i oko čišćenja prilaza kućama. Izjavio je da je dobio odgovor od Službe za civilnu zaštitu da to nije u njihovoj nadležnosti. Sugerise da se u narednom periodu pokuša iznaći rješenje za ovaj problem oko servisiranja najranjivije kategorije građana.

Vijećnik Nazif Hajrić uz pojašnjenje izjavio je da je nezadovoljan odgovorom na Inicijativu koju je podnio na prošloj sjednici u vezi održavanja lokalnih puteva od strane JKP d.o.o. Vareš.

adresa: Zvijezda 34, 71330 Vareš
identifikacijski broj: 4218285300002
depozitni račun Unicredit banka:
3380002210017420

tel.: 00387 32 848 100;
fax: 00387 32 848 150;
web: www.vares.info
e-mail: vares@bih.net.ba

Vijećnik Dario Dodik izjavio je da je njegova Inicijativa prihvaćena da se dio sredstava od prodaje Centralne radionice izdvoji za izgradnju parkinga, ali je nezadovoljan odgovorom da bi realizacija ovog projekta trebala početi nakon izrade projektne dokumentacije. Traži da se krene u hitnu realizaciju projekta. U vezi odgovora koji je dobio na postavljeno pitanje za poslovnu zonu Kram, uz pojašnjenje predložio je da se u buduću u slučaju prodaje zemljišta u Ugovor stavi klauzula ukoliko se ne krene u poslovnu djelatnost da će Općina Vareš vratiti posjed u vlasništvo uz isplatu cijene koju je kupac uplatio na početku.

(Vijećnička pitanja i Inicijative)

Igor Hinger

1. Mogu li se ukloniti stabla koja su pala u potok i uz cestu R-444 od tunela prema Zvijezdi? (Pitanje postavljeno pisanim putem i upućeno je prema Službi za prostorno uređenje i JP „Šumarija“ PJ „Vareš“)

Edin Ibrišimović

2. Moje pitanje se odnosi na Inicijativu koja je usvojena 29.08. 2022. godine na 1. Vanrednoj sjednici, podnesena od Auto škole „Travel“, Autoškole „Pezo“ i MSS „Nordbat-2“ Vareš za postavljanje svjetlosne signalizacije u gradu, a sve u svrhu vraćanja polaganja vozačkog ispita u Varešu. Inicijativa je tada jednoglasno usvojena. Zanima me u kojoj je fazi realizacija, zapravo da li je uopće počela realizacija. Ako nije, zašto nije?

Igor Šimić

3. Moje pitanje se odnosi na postavljanje rasvjete u ul. Franjići. Ulica se nalazi u samom centru grada, jedina je ulica u gradu koja nije osvijetljena. Zamolio bih nadležne službe da u narednom periodu riješe ovaj problem, da bi i stanovnici ove ulice imali rasvjetu.
4. Pitanje je vezano za Adriatic Metals BH d.o.o. Vareš, u vezi sa njihovim kamionima koji sa Rupica prevoze jalovinu i rudu prema Pržićima. Da li je moguće narediti da te kamione prilikom izlaska na lokalni i regionalni put saperu?

Asmir Čizmo

5. Kada će se riješiti problem vodosnadbijevanja u naselju Ljepovići? (Pitanje postavljeno pisanim putem i upućeno je JKP d.o.o. Vareš)

Šaban Ibrišimović

6. Moje pitanje vezano je za Inicijativu koja je podnesena na 30. sjednici OV održanoj 30.11. 2023. godine koja je glasila „Inicijativa se odnosi na gradnju „sahat-kule“ u urbanom dijelu općine Vareš – MZ Vareš u 2024. godini.“, i prihvaćena je od strane načelnika 27.12. 2023. godine. Mislim da je vrijeme da nadležna općinska služba formira Komisiju za izbor lokacije i da se krene sa procedurama, da se dobiju sve neophodne dozvole za izgradnju ovog objekta.

Dario Dodik

7. Pitanje se odnosi na odlaganje izvjesne vrste jalovine na gradskoj deponiji Kota. Šleperi su dovozili pretpostavlja se jalovinu, uzorci su uzeti, građani traže da se utvrdi od čega je i odakle dolazi ta jalovina.
(Radi se o nekom muljevitom, blatnom koncentratu koji u sebi sadrži plastične i staklene dijelove. Upoznat sam i sa činjenicom da postoji radnik u JKP d.o.o. koji radi na deponiji Kota koji je evidentirao broj kamiona koji dolaze.
Pitanje postavljeno komunalno-građevinskom inspektoru, odakle se dovlači otpad na deponiju Kota i koja je vrsta otpada?
 - Ko je odobrio odlaganje jalovine na deponiju Kota, koliko je dovučeno i koliki je profit za JKP d.o.o. Vareš? Pitanje postavljeno JKP d.o.o. Vareš.

8. Semir Memić

Moje pitanje je upućeno nadležnim općinskim službama i općinskom načelniku. U pitanju je dječije igralište u naselju Hodžići u MZ Dabravine. Lokalno stanovništvo je napravilo jedan lijep projekat, mnogo su uložili sredstava i truda, i sam načelnik je bio podrška u tom projektu. S druge strana, sada se pojavila informacija da će Adriatic Metals BH d.o.o. Vareš zahtijevati uklanjanje istog, navodno zbog voza koji će prolaziti, po njihovim navodima blizu je tog istog dječijeg igrališta. Zamolio bih načelnika ili nadležnu općinsku službu da nam da odgovor da li su tačne ove informacije.

Nermin Hrvat

9. U kojoj je fazi izgradnja kružnog toka? Da li je postojao neki rok za izgradnju i kada se planira završiti ovaj projekat?
10. Kada će doći do realizacije udarnih rupa na regionalnom putu R-444, jer vidimo da je ovaj put zaista u katastrofalnom stanju? Jednostavno, ove udarne rupe predstavljaju veliku opasnost za učesnike u saobraćaju a samim tim i oštećenja na motornim vozilima. (Pitanje uputiti Kantonalnoj direkciji za ceste ZDK)

Zdravko Barkić

11. Zašto se nije uvelo trezorsko poslovanje, s obzirom da po mojim saznanjima je u prethodnom revizorskom izvješću bila preporuka da se uvede trezorski način poslovanja? Zašto se nije uvelo prošle godine?

Inicijative

Šaban Ibrišimović

1. Inicijativa o donošenju zaključka oko pokretanja procedure o uspostavljanju prijateljskih odnosa naše općine sa općinom Saray iz regije Tekirdag R Turske. (Inicijativa podnesena pisanim putem)

Nermin Hrvat

2. U razgovoru sa zabrinutim roditeljima, direktorom OŠ „Vareš Majdan“ i predsjednikom MZ, podnosim inicijativu za postavljanje ležećih policajaca u MZ Vareš Majdan, Majdanska 1 (autobuska stanica). (Inicijativa podnesena pisanim putem – Inicijativu uputiti Kantonalnoj direkciji za ceste.)

Zdravko Barkić

3. Inicijativa da Vijeće donese Odluku da se od ove godine uvede trezorski način poslovanja u Općini Vareš.

Vijećnica Amela Mešić obavijestila je Vijeće da će ubuduće djelovati kao samostalna vijećnica u OV Vareš i da će raditi sa Klubom Narod i pravda.

Predsjedavajući OV stavio je na raspravu Zapisnik sa 2. sjednice OV.

Nije bilo učesnika i predsjedavajući OV stavio je na izjašnjavanje Zapisnik sa 2. sjednice OV i nakon izjašnjavanja vijećnika konstatuje da je sa 18 glasova „ZA“ (odsutan vijećnik Denis Kovačević) usvojen Zapisnik sa 2. sjednice OV.

Predsjedavajući OV stavio je na raspravu prijedlog dnevnog reda 3. sjednice OV koji je usaglašen na Kolegiju Općinskog vijeća.

Vijećnik Dario Dodik uz dato pojašnjenje predložio je dopunu dnevnog reda sa tačkom 1. “Rasprava o zimskom održavanju regionalnih i lokalnih puteva i ulica”.

Vijećnik Asim Balta ispred Kluba vijećnika "Naprijed BiH" i uz dato pojašnjenje predložio je da se tačka 4. "Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto", skine sa dnevnog reda današnje sjednice.

Nije više bilo učesnika i predsjedavajući OV stavio je na izjašnjavanje prijedlog za dopunu dnevnog reda predložen od vijećnika Dodik Daria i nakon izjašnjavanja vijećnika konstatuje da je sa **12 glasova „ZA“, 5 glasova „PROTIV“ i 1 „SUZDRŽANIM“ glasom** (odsutan vijećnik Denis Kovačević) **usvojen prijedlog za dopunu dnevnog reda.**

Predsjedavajući OV stavio je na izjašnjavanje prijedlog za izmjenu dnevnog reda predložen ispred Kluba vijećnika "Naprijed BiH" i nakon izjašnjavanja vijećnika konstatuje da sa **2 glasa „ZA“, 12 glasova „PROTIV“ i 4 „SUZDRŽANA“ glasa** (odsutan vijećnik Denis Kovačević) **prijedlog nije usvojen.**

Predsjedavajući OV stavio je na izjašnjavanje prijedlog dnevnog reda **3. sjednice OV** koji je usaglašen na Kolegiju Općinskog vijeća uz prihvaćenu dopunu sa tačkom **1. "Rasprava o zimskom održavanju regionalnih i lokalnih puteva i ulica"** i nakon izjašnjavanja vijećnika konstatuje da je sa **18 glasova „ZA“** (odsutan vijećnik Denis Kovačević) **usvojen sljedeći**

Dnevni red

1. Rasprava o zimskom održavanju regionalnih i lokalnih puteva i ulica.
Izvjestilac: Dario Dodik
2. Prijedlog Programa rada Općinskog vijeća Vareš za 2025. godinu.
Izvjestilac: Sekretar OV
3. Izvještaj o realizaciji Programa rada Općinskog vijeća Vareš za 2024. godinu.
Izvjestilac: Sekretar OV
4. Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2024. godinu.
Izvjestilac: Ermin Musa
5. Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto.
Izvjestilac: Ermin Musa
6. Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2025. godinu.
Izvjestilac: Sekretar OV
7. Prijedlog Rješenja o dopuni Rješenja o izboru članova Komisije za izbor i imenovanja.
Izvjestilac: Sekretar OV
8. Prijedlog Rješenja o imenovanju Komisije za izbor u regulirane organe.
Izvjestilac: Sekretar OV
9. Prijedlog Rješenja o imenovanju Komisije za provođenje javnog konkursa za raspolaganje nekretninama u vlasništvu Općine Vareš
Izvjestilac: Ermin Musa
10. Prijedlog Rješenja o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš.
Izvjestilac: Ermin Musa

11. Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš za period 2022. – 2027. godine, za 2023. godinu.
Izjavitelj: Ibrahim Spahić
12. Tekuća pitanja.

Ad. 1.

(Rasprava o zimskom održavanju regionalnih i lokalnih puteva i ulica)

Vijećnik Dario Dodik u svom obraćanju iznio je određene stavove, mišljenja, primjedbe i prijedloge u vezi problema zimskog održavanja puteva na području općine Vareš. Podsjetio je prisutne na nedavne obilne padavine i neadekvatno održavanje regionalnih puteva od strane izvođača i da niko iz organa uprave nije uputio službeni dopis nadležnim o nezadovoljstvu zimskim održavanjem. Uz dato pojašnjenje izrazio je nezadovoljstvo i za neadekvatno održavanje lokalnih cesta i ulica i stanje gradske higijene.

U raspravi su učestvovali vijećnici: Nazif Hajrić (uz pojašnjenje postavio pitanje da li se može uputiti dopis Kantonalnoj direkciji za ceste da izvođač koji održava put kroz grad, održava i trotoare pored regionalne ceste), Asmir Čizmo (podsjetio je prisutne na Zaključak OV iz prošlog mandata kojim se zadužuje nadležna služba da u toku zimskog održavanja, Vijeću dostavlja mjesečne Informacije o zimskom održavanju lokalnih puteva i ulica u gradu, traži da se nastavi sa dostavljanjem Informacije), Zdravko Barkić (predložio da Vijeće donese Odluku o uvođenju trezorskog poslovanja i da se utrošak sredstava vrši po pozicijama koje su utvrđene u budžetu), Dario Dodik (uz pojašnjenje predložio je određene zaključke), Asmir Čizmo (uz pojašnjenje predložio je određene zaključke), pomoćnik načelnika Ermin Musa (dao je odgovor vijećniku Dodik Dariu da je potpisan Ugovor o zimskom održavanju i u vezi diskusije vijećnika Čizmo Asmira sugerisao je da Vijeće donese isti Zaključak kojim se zadužuje služba za dostavu mjesečne Informacije o zimskom održavanju kako bi služba postupila po istom), Dario Dodik (replika), predsjedavajući OV Malik Rizvanović (skrenuo pažnju na poštivanje Poslovnika o radu OV i uputio repliku), Općinski načelnik Zdravko Marošević (U svom obraćanju izjavio je da se javio za riječ samo radi odbrane onih ljudi koji to zaslužuju, a ne za raspravu po tački dnevnog reda, jer smatra da za njega ovo nije tačka dnevnog reda o čemu je iznio svoje mišljenje. Izjavio je da je Vijeće jasno donijelo kako se zaključuju ugovori i da u svakom poslovanju ima određenih problema i ako neko misli da ima osnovu potegnuti neku odgovornost protiv načelnika da to može učiniti), Dario Dodik (replika) i Zdravko Barkić (replika).

Zaključena je rasprava i predsjedavajući OV pozvao je vijećnika Dodik Daria da na osnovu prijedloga koje je iznio u raspravi, Vijeću predloži Zaključke.

Vijećnik Dario Dodik predložio je sljedeće

Zaključke:

- 1. Ugovore o zimskom održavanju za narednu sezonu, nadležne općinske službe će zaključivati do kraja mjeseca septembra tekuće godine.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **17 glasova „ZA“** (odsutni vijećnici Nazif Hajrić i Denis Kovačević) **usvojen predloženi Zaključak.**

- 2. Općinsko vijeće Vareš zahtijeva od Kantonalne direkcije za ceste da se dio regionale koji prolazi kroz gradsku zonu izdvoji iz LOT-a regionalnog održavanja cesta na općini Vareš i da bude raspisan kao poseban LOT gdje bi bio poseban izvođač.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **16 glasova „ZA“ i 2 „SUZDRŽANA“ glasa** (odsutan vijećnik Denis Kovačević) **usvojen predloženi Zaključak.**

- 3. Ukoliko dođe do razdvajanja LOT-a** (da se dio regionale koji prolazi kroz gradsku zonu izdvoji iz LOT-a regionalnog održavanja cesta na općini Vareš i da bude raspisan kao poseban LOT gdje bi bio poseban izvođač), **da se pokuša u skladu sa zakonskim propisima sa istim izvođačem potpisati ugovor za održavanje gradskih ulica.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **16 glasova „ZA“ i 2 „SUZDRŽANA“ glasa** (odsutan vijećnik Denis Kovačević) **usvojen predloženi Zaključak.**

- 4. Da se održavanje lokalnih cesta i gradskih ulica razdvoji u dva LOT-a, kako bi jedna mašina održavala grad, a ostale lokalne ceste prema naseljenim mjestima da održava drugi izvođač.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **13 glasova „ZA“ i 5 „SUZDRŽANIH“ glasova** (odsutan vijećnik Denis Kovačević) **usvojen predloženi Zaključak.**

- 5. Zahtijeva se od izvođača radova koji vrše zimsko čišćenje regionalnih i lokalnih cesta, da pravovremeno izvršavaju poslove, da se uspostavi komunikacija sa nadzornom firmom koja vrši eksterni nadzor i da zaduženi službenici Općine Vareš imaju konstantan kontakt sa nadzornim osobama iz Direkcije za ceste.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **18 glasova „ZA“** (odsutan vijećnik Denis Kovačević) **usvojen predloženi Zaključak.**

- 6. Da općinske službe izvrše kontrolu zaselaka koji nisu do sada evidentirani kao ceste koje treba održavati i da se u ugovorima koji se zaključe uvrste i te dionice kao obavezno čišćenje drugog prioriteta.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **18 glasova „ZA“** (odsutan vijećnik Denis Kovačević) **usvojen predloženi Zaključak.**

Predsjedavajući OV pozvao je vijećnika Čizmo Asmira da na osnovu prijedloga koje je iznio u raspravi, Vijeću predloži prijedlog Zaključaka.

Vijećnik Asmir Čizmo predložio je sljedeće

Zaključke:

- 1. Da se predsjednici mjesnih zajednica uključe u nadzor tj. kod potpisivanja naloga za završeni posao zimskog održavanja od strane izvođača.**

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **18 glasova „ZA“** (odsutan vijećnik Denis Kovačević) **usvojen predloženi Zaključak.**

2. Nalaže se Službi za prostorno uređenje da u toku zimskog održavanja lokalnih i ostalih puteva, ulica, trotoara i javnih stepeništa, sačini Izvještaj za prethodni mjesec sa podacima šta se uradilo u toku tog mjeseca i da isti prezentira vijećnicima.

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **18 glasova „ZA“** (odsutan vijećnik Denis Kovačević) **usvojen predloženi Zaključak.**

Predsjedavajući OV dao je pauzu u trajanju od 15 minuta.
Nastavljeno je sa radom sjednice.

Ad. 2.

(Prijedlog Programa rada Općinskog vijeća Vareš za 2025. godinu)

Sekretar OV dao je dodatno pojašnjenje za ovu tačku dnevnog reda.

Otvorena je rasprava u kojoj su učestvovali vijećnici Zdravko Barkić, Dario Dodik i sekretar OV koji je dao odgovor vijećniku Barkić Zdravku da je Informacija o zaključenim Ugovorima i finasijskim pokazateljima po osnovu provođenja Odluke o davanju u zakup stanova Općine Vareš uvrštena u Program rada OV za 2025. godinu.

Zaključena je rasprava i predsjedavajući OV stavio je na izjašnjavanje Prijedlog Programa rada Općinskog vijeća Vares za 2025. godinu.

Nakon izjašnjavanja vijećnika, predsjedavajući OV konstatuje da je sa **19 glasova usvojen**

Program rada Općinskog vijeća Vareš za 2025. godinu.

Ad. 3.

(Izveštaj o realizaciji Programa rada Općinskog vijeća Vareš za 2024. godinu)

Sekretar OV dao je pojašnjenje u vezi nerealizovanih tematskih cjelina koje su bile planirane u Programu rada OV za 2024. godinu i upoznao prisutne da za pojedine tematske cjeline Služba nije dobila informaciju o razlozima zbog čega nisu realizovane.

Otvorena je rasprava u kojoj su učestvovali vijećnik Zdravko Barkić (*skrenuo je pažnju na nerealizovane tematske cjeline koje se odnose na Informacije o provođenju Strategija i Informaciju o stanovima, jer za njih nema pojašnjenja o razlozima zašto nisu realizovane. Predložio je da Vijeće traži od nadležne službe evidenciju svih nekretnina u vlasništvu Općine Vareš i da tu informaciju Vijeću dostavi na jednoj od narednih sjednica*), rukovodilac Rusmir Berebrović (*dao je određena pojašnjenja o razlozima zbog kojih Informacije o realizaciji Strategija nisu urađene*) i vijećnik Dario Dodik (*postavio pitanje vezano za evidenciju o prisustvu vijećnika na sjednicama i sudjelovanje u radu, pozvao je sve vijećnike da budu aktivniji u raspravama*).

Zaključena je rasprava i predsjedavajući OV stavio je na izjašnjavanje Izvještaj o realizaciji Programa rada Općinskog vijeća Vareš za 2024. godinu.

Nakon izjašnjavanja vijećnika, predsjedavajući OV konstatuje da je sa **19 glasova „ZA“ usvojen**

Izveštaj o realizaciji Programa rada Općinskog vijeća Vareš za 2024. godinu.

Ad. 4.

(Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2024. godinu)

Komisija za statutarna pitanja i propise na 1. sjednici održanoj 23.01.2025. godine jednoglasno je donijela sljedeći Zaključak:

- Komisija prihvata Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2024. godinu sa predloženim izmjenama i dopunama i isti upućuje Vijeću na razmatranje i usvajanje. (u članu 1. umjesto 2023. godine treba da stoji 2024. godine, u članu 2. umjesto 2024. godine treba da stoji 2025. godine, u preambuli da se navede i broj Službenih novina "94/18").

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o prosječnoj konačnoj građevinskoj cijeni m² korisne stambene površine na području općine Vareš za 2024. godinu uz Zaključak Komisije.

Nakon izjašnjavanja vijećnika, predsjedavajući OV konstatuje da je sa **19 glasova "ZA"** usvojena

Odluka o prosječnoj konačnoj građevinskoj cijeni m² korisne stambene površine na području općine Vareš.

Ad. 5.

(Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto)

Komisija za statutarna pitanja i propise na 1. sjednici održanoj 23.01.2025. godine jednoglasno je donijela sljedeći Zaključak:

- Komisija nema primjedbi na Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto i isti upućuje Vijeću na razmatranje i usvajanje.

Ispred predlagача pomoćnik načelnika Ermin Musa u svom obraćanju upoznao je prisutne sa hronologijom donošenja odluka o utvrđivanju cijena komunalnih usluga. Izvijestio je da Općina Vareš na osnovu odluke Vijeća, socijalnim slučajevima snosi troškove za komunalne usluge.

Otvorena je rasprava u kojoj su učestvovali vijećnici: Asim Balta (predložio je da se poveća cijena komunalnih usluga pravnim licima, a da građanima ostane ista cijena), Dodik Dario (uz pojašnjenje predložio je da se izjašnjavanje po ovoj tački dnevnog reda odgodi za sljedeću sjednicu i da se ide na veće poskupljenje poslovnim subjektima, a da građanima ostane dosadašnja cijena), Nikola Šimić (ispred Kluba vijećnika HDZ predložio je da Vijeće Odluku usvoji, a da Općina Vareš i JKP d.o.o. Vareš postignu dogovor da iznos koji Općina subvencionira za razliku cijena iskoristi se za nabavku opreme i strojeva), Igor Hinger (uz pojašnjenje predložio u slučaju da se Odluka usvoji, da se pod stavkom smeće u kategoriju „odgojne i obrazovne ustanove“ dodaju i zdravstvene ustanove), Zdenko Franjić (izjavio da je Klub vijećnika SDP protiv poskupljenja cijena komunalnih usluga), Zdravko Barkić (uz pojašnjenje izjavio da će podržati ovu tačku dnevnog reda), Nermin Hrvat (Izjavio da Klub vijećnika SDA nije za poskupljenje cijene komunalnih usluga, podržava prijedlog vijećnika Daria Dodik da se cijena komunalnih usluga poveća privrednim subjektima a da građanima ostane ista cijena), Nikola Šimić (uz pojašnjenje predložio je da Vijeće usvoji odluku u formi koju je dobilo OV ili da Služba pripremi novu odluku), predsjedavajući OV Malik Rizvanović (iznio je svoje mišljenje u vezi cijena komunalnih usluga i izjavio da Vijeće treba biti odgovorno i prema građanima ali i prema JKP d.o.o. Vareš kao Osnivač preduzeća), pomoćnik načelnika Ermin Musa (podsjetio je

prisutne na član 19. stav 1. Zakona o komunalnim djelatnostima u kome je precizirano da visinu cijene i način plaćanja komunalne usluge predlaže davalac komunalne usluge na temelju detaljne kalkulacije. Također je izvijestio da Odlukom Vijeća je definisan odnos pravnih i fizičkih lica a to je 1:2 i da se ne može mijenjati, predložio je da se OV danas izjasni po ovoj tački dnevnog reda), Dario Dodik (replika), Denis Kovačević (predložio je ako dođe do povećanja cijena komunalnih usluga da se od tih sredstava kupe strojevi kako bi građani vidjeli zašto više plaćaju komunalne usluge), Zdravko Barkić, predsjedavajući OV Malik Rizvanović, Igor Hinger, pomoćnik načelnika Ermin Musa i Dario Dodik.

Zaključena je rasprava i predsjedavajući OV stavio je na izjašnjavanje Prijedlog Odluke o stavljanju van snage Odluke o izmjeni i dopunama Odluke o utvrđivanju cijena komunalnih usluga i visine naknade za priključno mjesto.

Nakon izjašnjavanja vijećnika, predsjedavajući OV konstatuje da je sa **15 glasova „ZA“, 3 glasa „PROTIV“ i 1 „SUZDRŽANIM“ glasom usvojena**

***Odluka o stavljanju van snage Odluke o izmjeni i dopunama
Odluke o utvrđivanju cijena komunalnih usluga i visine naknade za priključno mjesto***

Ad. 6.

***(Prijedlog Odluke o raspodjeli sredstava za političke stranke u
Općinskom vijeću Vareš iz budžeta Općine Vareš za 2025. godinu)***

Komisija za statutarna pitanja i propise na 1. sjednici održanoj 23.01.2025. godine jednoglasno je donijela sljedeći Zaključak:

- Komisija nema primjedbi na Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2025. godinu i isti upućuje Vijeću na razmatranje i usvajanje.

Izjavitelac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Odluke o raspodjeli sredstava za političke stranke u Općinskom vijeću Vareš iz budžeta Općine Vareš za 2025. godinu.

Nakon izjašnjavanja vijećnika, predsjedavajući OV konstatuje da je sa **19 glasova „ZA“ usvojena**

***Odluka o raspodjeli sredstava za političke stranke u
Općinskom vijeću Vareš iz budžeta Općine Vareš za 2025. godinu.***

Ad. 7.

***(Prijedlog Rješenja o dopuni Rješenja
o izboru članova Komisije za izbor i imenovanja)***

Izjavitelac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o dopuni Rješenja o izboru članova Komisije za izbor i imenovanja.

Nakon izjašnjavanja vijećnika, predsjedavajući OV konstatuje da je sa **19 glasova „ZA“ usvojeno**

Rješenje o dopuni Rješenja o izboru članova Komisije za izbor i imenovanja.

Ad. 8.

(Prijedlog Rješenja o imenovanju Komisije za izbor u regulirane organe)

Komisija za izbor i imenovanja na 3. sjednici održanoj 24.01.2025. godine jednoglasno je donijela sljedeći Zaključak:

- Komisija nema primjedbi na Prijedlog Rješenja o imenovanju Komisije za izbor u regulirane organe i isti upućuje Vijeću na razmatranje i usvajanje.

Otvorena je rasprava u kojoj su učestvovali vijećnik Zdravko Barkić i sekretar OV koji je dao odgovor na postavljeno pitanje vijećnika o nadležnostima Komisije za izbor u regulirane organe.

Zaključena je rasprava i predsjedavajući OV stavio je na izjašnjavanje Prijedlog Rješenja o imenovanju Komisije za izbor u regulirane organe.

Nakon izjašnjavanja vijećnika, predsjedavajući OV konstatuje da je sa **19 glasova „ZA“** usvojeno

Rješenje o imenovanju Komisije za izbor u regulirane organe.

Ad. 9.

(Prijedlog Rješenja o imenovanju Komisije za provođenje javnog konkursa za raspolaganje nekretninama u vlasništvu Općine Vareš.)

Komisija za izbor i imenovanja na 3. sjednici održanoj 24.01. 2025. godine jednoglasno je donijela sljedeći Zaključak:

- Komisija nema primjedbi na Prijedlog Rješenja o imenovanju Komisije za provođenje javnog konkursa za raspolaganje nekretninama u vlasništvu Općine Vareš sa predloženom dopunom tačke IV. (*“Za sudjelovanje u radu, članovima Komisije pripada naknada u skladu sa Odlukom o naknadama vijećnika i članova radnih tijela Općinskog vijeća Vareš”*) i isti upućuje Vijeću na razmatranje i usvajanje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za provođenje javnog konkursa za raspolaganje nekretninama u vlasništvu Općine Vareš uz Zaključak Komisije.

Nakon izjašnjavanja vijećnika, predsjedavajući OV konstatuje da je sa **19 glasova „ZA“** usvojeno

Rješenje o imenovanju Komisije za provođenje javnog konkursa za raspolaganje nekretninama u vlasništvu Općine Vareš.

Ad. 10.

(Prijedlog Rješenja o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš)

Komisija za izbor i imenovanje na 3. sjednici održanoj 24.01. 2025. godine jednoglasno je donijela sljedeći Zaključak:

- Komisija nema primjedbi na Prijedlog Rješenja o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš sa predloženom dopunom tačke IV. (*"Za sudjelovanje u radu, članovoma Komisije pripada naknada u skladu sa Odlukom o naknadama vijećnika i članova radnih tijela Općinskog vijeća Vareš"*) i isti upućuje Vijeću na razmatranje i usvajanje.

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV stavio je na izjašnjavanje Prijedlog Rješenja o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš uz Zaključak Komisije.

Nakon izjašnjavanja vijećnika, predsjedavajući OV konstatuje da je sa 19 glasova „ZA”usvojeno

Rješenje o imenovanju Komisije za provođenje javnog oglasa u postupcima dodjele u zakup poslovnih zgrada i poslovnih prostora Općine Vareš.

Ad. 11.

(Informacija o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš)

Izvjestilac nije imao dodatno pojašnjenje za ovu tačku dnevnog reda.

Nije bilo rasprave po ovoj tački dnevnog reda i predsjedavajući OV konstatuje da je Vijeće primilo k znanju

Informaciju o provođenju Programa razvoja zaštite i spašavanja ljudi i materijalnih dobara od prirodnih i drugih nesreća na području općine Vareš.

Ad. 12.

(Tekuća pitanja.)

1. Zaključak Skupštine JKP d.o.o. Vareš, broj: 762-12/24 od 26.12.2024. godine kojim se traži da Općinsko vijeće Vareš kao Osnivač JKP d.o.o. Vareš, stavi van snage Odluku o izmjenama i dopunama Odluke o utvrđivanju cijena komunalnih usluga i visine naknade za priključno mjesto, broj:01-28/17 od 31.01.2017. godine. (Zaključak realizovan pod tačkom 5. današnje sjednice).
2. Dopis i Zapisnik sa održanog zbora građana MZ Daštansko sa Odlukom o razrješenju aktuelnog Savjeta i predsjednika MZ Daštansko i Odlukom o imenovanju novog Savjeta i predsjednika MZ Daštansko. Na gore navedeni dopis i Zapisnik, Služba za opću upravu, društvene djelatnosti i BiZ dostavila je Mišljenje broj: 02/2-004/25 od 15.01.2025. godine.

Predsjedavajući OV dao je pojašnjenje za navedene dopise i iznio mišljenje da se postupi po prijedlogu nadležne Službe i na osnovu toga predložio je i stavio na izjašnjavanje sljedeći

Zaključak:

- Predsjednik Mjesne zajednice Daštansko i Savjet Mjesne zajednice Daštansko izabrani na zboru građana MZ Daštansko održanom dana 19.09. 2021. godine, nastavljaju obavljati svoje dužnosti do okončanja izbora za članove savjeta mjesnih zajednica na području općine Vareš koji će biti raspisani u prvom, a provedeni u drugom kvartalu 2025. godine.

Nakon izjašnjavanja vijećnika, predsjedavajući OV konstatuje da je sa **18 glasova „ZA“** (odsutan vijećnik Dario Dodik) **usvojen predloženi Zaključak.**

3. Zahtjev za izmjene i dopune Odluke o parking mjestima broj: 01-116/25 od 28.01.2025. godine dostavljen od JU Osnovna škola „Vareš“ u Varešu. U Zahtjevu se traži da se Odlukom dozvoli parkiranje automobila u školskom dvorištu samo radnicima JU OŠ „Vareš“ i Ustanove za prihvata i odgoj djece Mala škola Vareš, radnim danima od 07,00 h do 17,00 h.

Otvorena je rasprava u kojoj su učestvovali vijećnici i iznijeli svoja mišljenja: Igor Hinger, Nazif Hajrić i pomoćnik načelnika Ermin Musa koji je predložio da se Zahtjev prosljedi Općinskom načelniku na očitovanje.

Zaključena je rasprava i predsjedavajući OV predložio je i stavio na izjašnjavanje sljedeći

Zaključak:

- Traži se od Općinskog načelnika i nadležne službe da Općinskom vijeću Vareš do sljedeće sjednice dostave očitovanje po Zahtjevu Osnove škole „Vareš“ u Varešu, broj: 01-116/25 od 28.01. 2025. godine.

Nakon izjašnjavanja vijećnika predsjedavajući OV konstatuje da je sa **19 glasova „ZA“** **usvojen predloženi Zaključak.**

4. Vijećnik Dario Dodik u svom obraćanju izrazio je nezadovoljstvo u vezi zimskog i ljetnog održavanja regionalnog puta od firme „Ame“ d.o.o. koja održava puteve. Uz pojašnjenje dao je prijedlog da Vijeće zaključkom obaveže općinske službe da preko Kantonalne Direkcije za ceste, zatraži hitno postupanje otklanjanja udarnih rupa i uklanjanje kamenja sa puteva.

Predsjedavajući OV u svom obraćanju izjavio je da podržava prijedlog vijećnika Dodik Darija.

Vijećnik Dario Dodik predložio je sljedeći

Zaključak:

- Općinsko vijeće Vareš izražava nezadovoljstvo održavanjem regionalnih puteva.
- Općinsko vijeće Vareš zahtijeva da se interni nadzor provodi češće, da se povećava nadzor nad izvođenjem radova s obzirom da na dijelovima regionalnog puta u općini Vareš postoje odroni na putu i udarne rupe, te da se hitno pristupi sanaciji.
- Općinsko vijeće Vareš traži od nadležnog ministarstva i Direkcije za ceste da njihovi službenici zajedno sa komunalno-građevinskim inspektorom Općine Vareš izađu na teren i utvrde činjenično stanje.

Predsjedavajući OV stavio je na izjašnjavanje predloženi Zaključak i nakon izjašnjavanja vijećnika konstatuje da je sa **19 glasova „ZA“** **usvojen predloženi Zaključak.**

5. Vijećnik Nikola Šimić u svom obraćanju uz pojašnjenje zatražio je da se urgira da se Kanton očituje po Zaključku Vijeća koji im je dostavljen vezano za povećanje koncesionih naknada.
6. Vijećnik Igor Hinger u svom obraćanju izjavio je da kantonalna ministarstva i Direkcija za ceste u mnogim slučajevima ne odgovaraju na upite Općinskog vijeća. U vezi toga će na jednoj od narednih sjednica postaviti pitanje koliko su općinske službe, direktor JKP d.o.o Vareš i Općinski načelnik poslali upita prema kantonu na koje nisu dobili nikakav odgovor.

Predsjedavajući OV upoznao je prisutne da je u nezvaničnom razgovoru sa predstavnicima kantona dobio informaciju da bi se do početka maja tekuće godine trebala formirati komisija koja će raditi na izradi cijene koncesione naknade. Služba će poslati Urgenciju da se očituju po Zaključku Vijeća koji im je upućen u ranijem periodu u vezi povećanja koncesione naknade.

Sjednica je završena u 17.26 sati.

Sastavni dio ovog Zapisnika je audio zapis sjednice.

**SEKRETAR
OPĆINSKOG VIJEĆA**

Mersad Đido
Mersad Đido



ZAPISNIČAR

Azra Pijadžer
Azra Pijadžer

**PREDSJEDAVAJUĆI
OPĆINSKOG VIJEĆA**

Malik Rizvanović
Malik Rizvanović